

BAHEBERE, TEMA YA BOBEDI ³

Ya 7, ya 8, ya 9, tema ya 10, go tloga moo ka gare, oo, nna!
Eba le phensele le pampiri ya gago, le sengwe le se sengwe,
komana, gobane ke a dumela Morena o ya go re fa nako ye kgolo.
Bjale re . . .

²¹⁸ Paulo o a phagamiša le go bea, maemong, Morena Jesu. Bjale,
ge re eya go kgabola bošegong bjo, Lamorena mosong . . . Yeo
bontšintši bja se se ya go hlakana thwi ka gare le Molaetša wa
Lamorena mosong, gobane e “aroganya sabatha.” Ke potšišo ye
kgolo magareng ga Masabatha lehono. Gomme ke tla le laletša
bole go tla bakeng sa Lamorena mosong. Gobane, ke lefe le
nepagetšego, Mokibelo goba Lamorena, bakeng sa go rapela?
Beibele e reng ka lona? Gomme ka gona, ge eba . . . Puku ye
e aröganya molao le mogau, gomme E bea wo mongwe le wo
mongwe lefelong la wona. Bahebere ba godišitšwe ka molao,
gomme Paulo o be a ba botša se mogau o se ralokilego, le molao.

²¹⁹ Bjale, a re hwetšeng feela bokamorago bjo bonnyane bjale.
Re ya go thoma morago.

²²⁰ Etse, ke ikhweleditše digalase tsoko tša go bala.
Mohlomongwe nka kgona . . . Ge nka direga go ba le go dira
go—go tšholla bošegong bjo, ke na le tšona. Le a tseba ke
gohle . . . Ke no hlaela mengwaga ye mebedi go beng mengwaga
ye masometlhano bogolo, gomme ga ke bone boka ke be ke dira,
kgauswi le nna. Ge pono ya ka . . . Ke thoma go bona mantšu
a nyamalala, ke naganne ke be ke foufala. Ke ile bakeng sa
tlhahlobo. Ngaka o rile, “Aowa. O no ba go feta masomenne,
morwa.” Gabotse, o rile, ge nka phela go tšofala go lekanelia, e ka
boa morago gape, go hwetša pono ye kopana morago gape. O rile,
“Bjale, o ka kgona go bala Beibele ya gago ge o e kgoromeletša
ntle go tloga go wena?”

²²¹ Ka re, “Ee.”

²²² O rile, “Morago ga lebakana, letsogo la gago ga le ye go ba
botelele go lekanelia.”

²²³ Gomme kafao ke—ke a holofela bjale, ka go ithuteng go,
gore ke . . . Beibele ye nnyane ye ya Collins e na le mongwalo wo
mogolo gabotse ka go yona. Ke kgona go e dira botse gabotse.
Eupša ge re tsena godimo ka go a magolo, mafelo a go teba
mo re yago go tsea Testamente ye Mpsha le ya Kgale, le go di
thebanya mmogo. Ke ne Scofield ye nnyane. Gomme ke tlwaetše
Beibele ya Scofield, memarako ya yona. Ga ke bale dinoutse tša
Scofield bjale, gobane ga ke dumelanelia le Scofield ka go tše
ntši tša gagwe—tša gagwe diteori. Eupša ke—ke rata tsela ye e
beakantswego, gobane e . . . ke bile le yona nako e telele, le go e

bala, le bontši kudu, go fihla ke le mohuta wa go tseba mokgwa wa go hwetša sehlogo sa ka.

²²⁴ Ye yohle ke ye mpsha go nna, ya go ruta, gomme ga ke morutiši kudu. Eupša, le no sepela le nna lebakana le lennyane, ke tla le botša Therešo bokgole bjo ke E tsebago, golebjalo.

²²⁵ Bjale, Puku ye ke Paulo, le a elelwa, o be a . . . Re mo hweditše bjang? O be a le morutiši yo mogolo, le go thoma, goba serutegi se segolo. Gomme o katišitše ka Testamente ya Kgale. A yo mongwe a ka kgona go mpotša bjale yo a hweditšego morutiši wa gagwe e be e le mang? [Phuthego e re, "Gamaliele."—Mor.] Gamaliele, yo mongwe wa barutiši ba go tsebalega ba letšatši. Gomme ka gona Paulo, re a hwetša, letšatši le lengwe . . .

²²⁶ Pele a be a ka bitšwa *Paulo*, a yo mongwe a ka mpotša leina la gagwe e be e le eng? [Phuthego e re, "Saulo."—Mor.] Saulo. Gomme o be a le maatlataolo a magolo ka Jerusalema, maatlataolo a bodumedi. Gomme o tlie godimo bjalo ka—bjalo ka wa go katišwa, monna wa bodumedi. O be a kgona go bolela maleme a mane goba a mahlano a go fapano, gomme monna wa setswererere kudu. Gabotse, a thuto ya gagwe le botswererere di mo thusitše? Aowa. O rile o ile a swanelo go lebala tšohle a bego a di tseba, gore a ithute Kriste.

²²⁷ Kafao re a hwetša, gona, ga go tšee monna wa setswererere goba monna wa go rutega. Go tšea mo—mo monna yo a ratago go ikokobetša yenamong pele ga Modimo, go sa kgathale bjang.

²²⁸ A le be le tseba Dwight Moody o be—o be a sa rutega go fihla, ka nnete, mengwalo ya gagwe e be e befile kudu ka mo ke sa tsebego gore bjalo ka eng. Ba be ba swanetše go lokiša melaetša ya gagwe, nako yohle. O—o be a le mongwadi wa go befa kudu, a sa rutega kudu.

²²⁹ A le be le tseba gore Petro le Johane, ba Beibele, ba be ba se ba rutega go fihla ba sa kgone go ngwala leina la bona beng, gomme ba sa le tsebe le letše pele ga bona? Moapostola Petro, yo a bego a ne dikgonyo go ya Mmušong, o be a sa tsebe leina la gagwe le saennwe pele ga gagwe. Naganang ka yona. Beibele e boletše, gore, "O be a se ne šedi le goserutege." Kafao, seo se mpha sebaka. Amene. Ee, mohlomphegi. Seo se ya pele thwi go theoga, go hwetša gore Modimo o kgonne go dira seo go motho.

²³⁰ Bjale, gomme re a hwetša, ka pejana ge Paulo a bile le boitemogelo bjo bogolo . . . Ke nyaka go le botšiša. A ke boitemogelo go tla go Kriste? A yo mongwe le yo mongwe o na le boitemogelo? [Phuthego e re, "Ee."—Mor.] Ee, mohlomphegi. Ee, mohlomphegi. Ke Tswalo. Ke boitemogelo. Gomme kafao re be re le ka Kholetšheng ya Lutheran, e sego telele go fetile . . .

²³¹ Ke bile le monyetla morago ga sekgalela se, thari, ke be ke swanetše go ba kua ka iri ya lesomepedi, bakeng sa matena le—le Tom Haire. Ke ba bakae ba kilego ba kwa ka yena, wa go tsebalega, Moirish, mohlabani wa thapelo? Gomme o bile le yo

Ngwanešu Epp, mo lenaneong la gagwe, gomme o tšweletše mo ka mafelong a mantši ka Amerika. Gomme ke bile le matena le yena lehono. Gomme re be re . . . Ke be ke no ba diiri tše tharo thari. E bile e ka ba ka masometharo a tharo, kotara ya go ya go nne, ge re eja. Eupša go be go lokile. Gomme re be re boledišana ka dilo tše, tša ka fao Jesu Kriste e lego Hlogo ya dilo tšohle.

²³² Bjale, ge Paulo a hweditše se ntle, o bile le boitemogelo bjo. Gomme ka gona pele a be a ka amogela boitemogelo bjo, bo swanetše go ba morago go Beibebe. Gomme re a hwetša gore o—gore o tlogile gomme a ya ka go setšhaba se sengwe, gomme kua o dutše lebaka la mengwaga ye meraro, a fatiša Lengwalo, go bona ge eba boitemogelo bja gagwe bo be bo rereša.

²³³ Bjale, re a lemoga gore o bile le selo se segolo go se lebanya. O ile a swanela go boa morago le go botša kereke ya gagwe, batho bohole, tšona dilo tše a di hlomerego di be di le nnete.

²³⁴ A o ile wa swanela go dira se sengwe boka seo? Nnete, go nyakile go ba bohole ba dirile, ba ile ba swanela go boa morago le go re, “Bona batho ba re ba biditše ‘bapshikologibakgethwa,’ re tlide ra hwetša, ba be ba rereša.” Le a bona? Yeo ke yona. Re ile ra no swanela go retologa go dikologa. Gomme dilo tše re kilego ra di hloya, bjale re a di rata. Ke tshokologo, selo se go makatša,learogi.

²³⁵ Bjale, ke dirile setatamente sela, sa “mopshikologimokgethwa.” Ga go selo se sebjalo. Ga go selo se sebjalo. Eupša, ba bitša batho seo, batho ba bokgethwa. Eupša ga go bapshikologibakgethwa. Ga go selo se sebjalo. Ga go rekoto ya kereke e ka ba efe e kilego ya rekota seo, bokgole bjo ke kgona go bona, tša tše makgolosenyane masometshela le metšo, dikerekemaina tša go fapania. Ga go kerekeleina ye bjalo bjalo ka mopshikologimokgethwa. E no ba le—le leina le diabolo a le gorameditšeego go Kereke.

²³⁶ Eupša ba ba bitša, ka letšatsi lela . . . Ke ba bakae ba tsebago se ba ba biditšeego ka letšatsing la Paulo? Mahlanya. Le tseba se *lehlanya* le se rago? “Go gafa.” Ke motho wa go gafa. Kafao, ke sa tšo bitšwa “mopshikologimokgethwa” bjalo ka “lehlanya.” A ga o? Kafao ge ba—ge ba be ba bitšwa seo, gomme ba hlaletše!

Gomme Jesu o rileng go rena go dira ka yona? O rile, “Hlalalang, gomme thakgalang phetelela; gobane mopuputso wa lena ke wo mogolo Legodimong, gobane le baprofeta pele ga lena ba hlomerwe bjalo.” Ba e dirile.

²³⁷ O boletše go, “Thakgalang phetelela.” Eng kapa eng *phetelela* e “phagamištše godimodimo,” go thaba ka kgonthé. Gomme barutiwa, ge ba hweditše ba swanetše go rwala kgobogo ya Leina la Jesu, ba hlaletše ka thabo ye kgolo gore ba kgonne go rwala kgobogo ya Leina la Gagwe.

²³⁸ Gomme lehono, batho ba bantši lehono, ge ba ka direga go ba bitša mopshikologimokgethwa, ba tla hunyela, “Nna! Mohlomongwe ke be ke fošitše, le go thoma.”

Eupša ba be ba thabile ka yona, “Oo, nna, go rwala Leina!”

²³⁹ Gomme bjale, ka go ngwagakgolo wa bobedi, ba ba biditše “*magetlasefapano*.” Ke ge Bakriste ba be ba tlwaetše go rwala sefapano magetleng a bona, go laetsa gore ba be ba bapotšwe le Kriste. Ba ba bitša *magetlasefapano*. Bjale ke a tseba Katoliki ba ipitša seo bonabeng, eupša e be e se kereke ya Katoliki. E be e le kereke ya Protestant pele e be e bitšwa kereke ya Protestant. E be e sa ipelaetše go selo eupša sebe. Lebaka ba e bitša kereke ya Protestant lehono ke ka gobane e ipelaeditše go thu—thu thutotaelo ya Katoliki. Eupša ke... E, sa ntše, e be e se tumelothoko ka nako yeo, ge ba be ba bitšwa *legetlasefapano*.

²⁴⁰ E nong go hwetša histori ya Josephus le bangwadi ba bangwe, le Hislop’s *Two Babylons*, le go ya pele, gomme le tla hwetša gore yeo ke nnene, gore ba be ba se kereke. Kereke ya mathomo ya go kgatlofatšwa, ge e sa le, e bile kereke ya Katoliki, e ka ba mengwaga ye makgolotharo, tikologong ya—ya baapostola ba mafelelo. E ka ba mengwaga ye makgolotharo moragonyana, kereke ya Katoliki e kgatlofaditšwe. Gomme tlhomaro ya tsena ka gare, gomme ya gapeletša batho ka go kereke ya Katoliki, gomme ba bile le kereke le mmušo, di kopane.

²⁴¹ E bile ka morago, se se bego se bitšwa, tshokologo ya Constantine, go tloga go bohetene go ya go Bokatoliki. Eupša, ge e ka ba mang a kile a bala histori, ga se a ke a sokologa, dilo tše a di dirilego. Oo, nna! Selo se nnoši a kilego a se dira bodumedi e bile go bea sefapano godimo ga kereke ya Mokgethwa Sophia. Ke selo se nnoši a kilego a se dira, go itshwara ebile sedumedi. O be a le le—le legwaragwara. Eupša ba e biditše ya gagwe—tshokologo ya gagwe. E no ba go bapela le sengwe sa go bitšwa ditshokologo lehono.

²⁴² Bjale, eupša, re a hwetša, ge Paulo a sokologile gomme a bile le boitemogelo bja kgonthe, ka go felela o retologile go dikologa.

Gomme, le a tseba, *tshokologo* e ra go “retologa go dikologa.” O ya ka tsela *ye*, gomme o a retologa gomme o thoma morago ka tsela *ye*. Ee, mohlomphegi. Ke go retologa, go rarela sefahlego.

²⁴³ Gomme Paulo, ka pejana ge a sokologile, pele a be a ka kgonka go dira boitemogelo bja gagwe... Bjale, o bile le boitemogelo bja bothakga.

Bjale, ke a dumela, ge o amogela Kriste, feela bjalo ka Mophološi wa sebele, ke boitemogelo. Ke a dumela, thabo ya go tsebeng sebe sa gago se lebaletšwe, e no tsikinya pelo ya gago, go kgabola le go kgabola.

²⁴⁴ Eupša ka gona ge Moya wo Mokgethwa wa go šegofala o etla fase, bjoo ke boitemogelo, yeo ke Tswalo ye mpsha, yeo o ka se tsogego wa e lebala. O ba Ngwana wa Modimo. Gomme sese se se e dirago.

“O e tseba bjang, Ngwanešu Branham?”

²⁴⁵ Bjale, tše ke dithuto tša go ruta. Batho ba bantsi, Mamethodist, ba leka go re, “Ba goeleditše ge ba O hweditše.” Gabotse, seo se lokile. Ge o O hweditše, gomme wa goeleta, okei. Gobane o goeleditše, e be e se leswao o bile le Wona, gobane bontsi ba goeleditše ba be ba se na le Wona.

²⁴⁶ Mapentecostal ba rile, “Ba boletše ka maleme. Ba bile le Wona.” Seo se lokile. Ge o boletše ka maleme, gomme o na le Wona, go lokile. Eupša o ka kgona go bolela ka maleme wa no ba o sa ntše o se na le Wona. Kafao?

²⁴⁷ Kafao, le a bona, morago ga tšohle, ke boitemogelo bja go feta go tloga lehung go ya Bophelong; ge dilo tšohle tša kgale di ehwa, gomme dilo tšohle e ba tše mpsha. Kriste o ba kgontha. Dilo tša kgale di a hlohlorega, medu ya kgale ya senama. A le tseba go epolla modu? Re be re tlwaetše go tšea mogoma wa go karapa gomme re no ya fase go wona, le go epa go fihla go se ne tshetlana e šetšego ka go wona. Gomme ba rile, “Ge go ne modu e ka ba ofe wa go galaka o rutlologago ka go wena, o karapele ntle.” Yeo ke nnete. Gomme seo ke se Moya wo Mokgethwa o se dirago, go nyenyenkulla medu yohle. Go e epolla. Go e pakela; go e tšuma. Go e fediša. Nako yeo o hwetša puno ye botse, ge re dira seo.

²⁴⁸ Bjale, Paulo o tsebile gore se sengwe se diregile, kafao o ya morago tlase ka Arabia, gomme kua o ithutile lebaka la mengwaga ye meraro ka baprofeta bohole ba Testamente ya Kgale, ka fao ba profetilego. Gomme o tla go hwetša gore Se se be se le Therešo go felela.

²⁴⁹ Bjale, bapetša seo le lehono, o bone, ka boitemogelo bjo re bilego le bjona ka kerekeng ye nnyane ye: bja Naledi ya Moso e tšwelela mošola, Seetša se segolo sela se se tlilego fase, se se bego se bolelapapele le go laetša dilo tša go direga. Le a tseba, ke bothakga. Eupša modiredi ngwanešu o mpoditše, “E be e le sa diabolo.” Gomme ga—ga se ke kgone go e kwešiša.

²⁵⁰ Kafao, ga se ke bolele selo ka yona go fihla bošego bjo bongwe, go bile boitemogelo bo diregile godimo mošola go Green's Mill, Indiana, ge Morongwa wa Morena a sepetše go kgabaganya lebatong gomme a eme kua, gomme a e netefatša ka Lengwalo. Ka gona ya gotša mollo. Ka gona ya thoma go ya.

²⁵¹ Gomme e sego boteletšana go feta Lamorena, re bone maswao a go se palelwe a Jesu Kriste, Yo a kgonago go tšea monna yo a sego a ke a sepela, gomme a sego... Mogalatšhika wa gagwe wa tsepamo o sepetše, ge ba Mayo le dingaka tše kaonekaone ba rile, “Go fedile, neng le neng.” Gomme a dutše

a foufetše; o hlahlamologile le go sepelela ka ntle ga moago, a kgokološa setulo sa gagwe sa bagolofadi go theoga materapo, a kgona go sepela le go bona boka mang kapa mang gape. Seo se laetša gore ke maatla a Morena Jesu yo a tsogilego. Seao wona. O a swana maabane, lehono, le neng le neng.

²⁵² Kafao a ga re seholpha sa go thaba bošegong bjo, go tseba gore Modimo o hlatsetše boitemogelo bjo bogolo bjo re naglo le bjona, go bapela le Beibele ya Gagwe le ditshepišo? Kagona re swanetše go hlalala phetelela. Gomme re a lemoga gona, gore ka go tema ya 2, re a hwetša, “Ga ra swanelo go lesa dilo tše... Ga ra swanelo go hlokomologa dilo tše.” Re swanetše go swarelela go tiiša dilo tseo.

*Gomme re ya go phonyokga bjang, ge re hlokomologa
phološo ye kgolo bjalo;...*

²⁵³ Re ya go dira eng, ka go seetša sa Lentšu la Modimo, ge re eme Setulong sa Kahlolo? O ka se kgone go re, “Ga se ke tsoge ka tseba phapano e ka ba efe.” Oo, ee, o dirile. “Gabotse, bjale, Ngwaněšu Branham a ka no be a bile phošo.” Yeo ke therešo. Eupša Modimo ga a phošo. Lentšu la Gagwe ga le phošo. Gomme e nong go nagana, ka selo sa go swana, Beibele, yeo e kilego ya phela ka go baapostola, a phela ka go rena gape. Oo, Leina la Morena le šegofatšwe!

²⁵⁴ Ge ke nagana ke masomenne seswai a mengwaga bogolo, ke batametše masometlhano, gomme matšatši a ka a boswa a ile, le go ya pele; go tseba gore ge e sa le mošemane yo monnyane gore ke bile le Tshepišo ye e šegofetše ye, gomme ke E begile go banešu ba ka le dikgaetsedi; le go bona ka nnete dikete tša bao ba tšwelego leswiswing, go tseba gore re ya Legaeng la Gosoafelego, go bašegofatšwa. “Gomme ge tabarenekele ye ya lefase e phušoga,” pele ke fetša go rera, “go ne ye e re letetšego mošola.” Haleluya! Go tseba gore go ne tasene ya batho ba dutše mo, bao, ge ba ka tlogela bophelo bjo gonabjale; pele re ka iša mmele wa bona go mmoloki, ba tla be ba le ka mmeleng wa letago, mošola, ba hlalala le bakgethwa ba Modimo, ba šetše ba le ka Bogoneng bja Modimo, go phela neng le neng. Ka bja go phethagala, bohlatsé gore ka go felela go bjalo! Amene.

²⁵⁵ Oo, seo se tla dira Mopresbyterian go goelela! Dirile Lamorena, a ga se ya? [Phuthego e re, “Amene.”—Mor.] Bona batho e be e le Presbyterian. Nnete ba be ba le, go nagana. Oo, ga go makatše batho ba ba le maikutlo! Gobane, ge o eba le maikutlo go tšwa go ropa kgwele go ba go fošetša e tee ka ntlatlaneng, go tla go dira maikutlo gakaakang go fetiša go tseba gore o fetile go tšwa lehung go ya Bophelong, gore o Sebopiwa se seswa ka go Kriste! O e tseba ka tsela ye moyo wa gago o go hlahlilego go tšwa bohlweleng, bomenetša, le bonaba, le dilo tšohle tša lefase. Gomme pelo ya gago e dutše garegare go Kriste. Ao ke maikaelelo a gago. Seo ke sohle o naganago ka sona ka

monaganong wa gago, pelong ya gago, mosegare ohle le bošego. Ge o eya malaong bošego, gomme o bea diatla tša gago ka morago ga gago, ka mokgwa *wo*, le go robala fale le go Mo tumiša go fihla o otsela. O tsoga, mosong, o sa Mo tumiša. Amene. Oo, nna!

²⁵⁶ Ke lekile go Mo tumiša. Mo mosong, re be re tsoga e ka ba ka iri ya bone, Ngwanešu Wood le nna, re eya ntle mosong ka leselaphutiana, go ya go tsoma dihlorana. Ke Mo tumiša ka tlase ga mohlare wo mongwe le wo mongwe, ke a dumela, wo ke tlilego go wona. Ga ke kgone go bona mohlare, ntle le go Mo tumiša. Naganang, O medišitše mohlare wola. Go bona tšie ye nnyane e fofa godimo; O tseba tšie yela. “Oo,” o re, “ditšiebadimo, Ngwanešu Bill.” Oo, aowa, ga se sona. O tseba mo sehlorana se sengwe le se sengwe se lego. O tseba mo serurubele se sengwe le se sengwe se lego.

²⁵⁷ Gobaneng, ka nako ye nngwe, O be a hloka tšhelete tsoko, gomme O rile, “Petro, go ne hlapi, lebakana la go feta, e meditše khoine, go no lekanelo, bontši bjo re bo hlokago. Eya o lahlela huku ka gare. Ke tla e romela godimo kua. Ntšha khoine yela ka molomong wa gagwe, gobane a ka se kgone go e šomiša, yenamong. Eya o e lefele karololesome ya rena le neo.” Amene.

²⁵⁸ Gomme dibekе di se kae tša go feta, ke bone hlapi ye nnyane e bolailwe, e letše ntle ka meetseng. Lena bohole le kwele kanegelo ya yona. Ngwanešu Wood šole, le ngwanabо le bona mo go e hlatsela. Hlapi ye nnyane yela e bego e letše e hwile lebaka la seripa sa iri, godimo ga meetse, ka dikateng tša gagwe di gogetšwe ka ntle ga molomo wa yona. Gomme Moya wo Mokgethwa wo mogolo o swietše fase, morago ga ge A rile, letšatsi pele, “O ya go bona tsogo ya phoofolo ye nnyane.” Gomme mosong wa go latela e ka ba, bonnyane morago ga go hlaba ga letšatsi, re bone hlatswana ye nnyane yela, e sego ka godimo ga botelele *bjola*. Ge Moya wa Morena o tlie fase, gomme o rile, “Hlapi ye nnyane, Jesu Kriste o go dira o felele.” Gomme hlapi yela ya go hwa, e be e phaphametše godimo ga meetse ka go diragala lebaka la seripa sa iri, ya tla bophelong gomme ya thutha feela kudu ka fao e bego e kgona. Oo, a go šegofatšwe Leina la Morena. Yena o makatša *bjang*!

²⁵⁹ Ga go makatše Paulo a kgona go bolela, gore, “O be a le ka tshepedišo ya Melekitsedeke.” O be a le Melekitsedeke. “Melekitsedeke o be a se ne mathomo a matšatši. O be a se ne bofelo bja mengwaga. O be a se ne mathomo a bophelo goba bofelo bja bophelo. O be a se ne tate ga ešita le mme.” Kafao, O be a ka se kgone go ba yo mongwe gape. E ka ba mang A bego a le, O a phela le gabjale bošegong bjo. Kafao, ke mohuta o nnoši wa Bophelo bjo Bosafelego, gomme bjoo ke bja Modimo.

²⁶⁰ Mantšiboa a go feta ge re be re ne poledišano, ngwanešu o be a sa kgone go kwešiša thrinithi ya Modimo, gomme ka fao re

bego re bolela ka yona. Ka fao gore Jesu o be a eme fale, Monna, wa e ka ba mengwaga ye masometharo bogolo. Gomme O rile . . .

Ba rile, “Oo, botatawešo ba ja mana ka lešokeng.”

²⁶¹ O rile, “Gomme ba, yo mong le yo mong, hwile.” Eupša O rile, “Ke nna Borotho bjoo bja Bophelo bjo bo tšwago go Modimo Legodimong, bjo motho a bo jago gomme a se hwe.”

²⁶² “Oo,” ba rile, “botatawešo ba nwele go tšwa Leswikeng ka lešokeng.”

²⁶³ O rile, “Ke nna Leswiwa Leo.” Monna wa mengwaga ye masometharo bogolo. O rile, “Abraham o hlaletše go bona letšatši la Ka.”

²⁶⁴ “Gobaneng,” ba rile, “bjalo O ra go re botša gore O yo mogolo bjalo ka Abraham, gomme ga O mengwaga ye masometlhero bogolo gabjale, gomme o ra go re O bone Abraham yo e sa lego a hwile mengwaga ye makgoloseswai? Re a tseba gore O ne diabolo bjale. O a gafa.” Seo ke se . . . Seo ke se *diabolo* a se rago, “motho wa go gafa.” Ba rile, “O ne diabolo, gomme O a gafa.”

²⁶⁵ O rile, “Pele Abraham a be a le, KE NNA.”

²⁶⁶ Ke yo A bego a le. O be a sa no ba monna feela, ebile O be a se moprefeta. O be a le Modimo, Modimo a dula lefaseng ka mmeleng o bitšwago “Jesu,” mo—mo Morwa wa Modimo a apere nama. Seo ke tlwa a bego A le.

²⁶⁷ Bjale, re Mo hwetša godimo mo, gore ka go karolo ya mafelelo bjale, ya go tswalela ga tema ya 2, ye ke bego ke nyaka go ya go yona, go thoma ka temana ya 16, goba temana ya 15.

*Gomme a lokolla bona . . . ka po poifo ya lehu—ya lehu
nako ya bophelo bjohle bja bona ba be ba le ditlemong.*

Ke seo a se boletšego gore Jesu o se dirile, gore O tlie go lokolla bona go tšwa ditlemong, ba ba bego ba boifa lehu nako ya bophelo bja bona yohle.

²⁶⁸ Bjale ga go tlhonego go boifa lehu. Bjale, nnete, re a dira; rena, ga go o tee wa rena a nyakago, se re se bitšago, *go hwa*. Eupša a le a tseba gore ge motho a tswetšwe gape a ka se kgone go hwa? [Phuthego e re, “Amene.”—Mor.] A ka kgona bjang go ba le Bophelo bjo Bosafelego gomme morago a hwa? A ka se kgone go e dira. Selo se mnosi e lego lehu, lentšu *lehu*, le ra “karogano.” Bjale o tla arogana go tloga bogoneng bja mahlo a rena. Eupša ka mehla o ka Bogoneng bja Modimo, gomme ka mehla o tla ba. Kafao, lehu ga se selo se sethata. Lehu ke selo sa letago. Lehu ke selo se se re tšelago ka Bogoneng bja Modimo.

²⁶⁹ Eupša bjale, nnete, rena, go beng batho, re sepela ka dielemente tše tša leswiswi mo, ga—ga re e kwešiše bjalo ka ge re swanetše. Gomme, ka nnete, ge dipolai tša go kgama tša lehu di etla, se dira yena mokgethwakgethwgo rena go boifa le go katakatela morago. Go dirile Morwa wa Modimo go re, “A

komiki ye e ka feta?" Ke selo sa go šiiša. O se e hwetše phošo. Gobane re . . . Ke kotlo ya sebe, lehu ke yona, gomme le swanetše go šiiša.

Eupša ge re ka no lebelela feela mošola wa garetene, mošola, ke mo go lego. Morena a šegofatšwe! Feel a mošwa garetene, ke moo motho a hlologelago go lebelela bošegong bjo. Anna Mae Snelling yo monnyane le bona ba be ba fele ba opela pina mo, "Morena, Anke Ke Lebelele Go Feta Garetene Ya Nako." Yo mongwe le yo mongwe o nyaka go bona seo.

²⁷⁰ Bjale, bjale ke rena ba, ka go temana ya 16. "Gobane ruri O tsere . . ."

Gobane ruri ga se a tseela go yena, godimo ga gagwe tlhago ya barongwa; eupša o tseetše godimo ga gagwe peu ya Abraham.

²⁷¹ Oo, re nyaka go swarelala go seo gape. Bjale re tla thwi fase go hwetše . . . Gobane, karolo ya mathomo ya tema ya 3, karolo ya mafelelo ya yona, e tsenela ka gare "ka letšatši lela la sabatha," bakeng sa Lamorena le le tlago.

²⁷² Bjale hlokomelang.

. . . o tšere e sego . . . tlhago ya barongwa; . . .

Bjale, ke mang "Yena," a boleLAGO ka yena? Kriste. Kriste ke mang? Modimo, Logos ya Modimo.

²⁷³ Bjale anke ke hlaloše se gape, gore le be le bonnate. Modimo ga se Badimo ba bararo. Thrinithi ya Modimo ke yo Motee. Tate, Morwa, Moya wo Mokgethwa, ga go re gore go ne Badimo ba bararo ba go fapania. Ge go le, re tla ba mohetene. Ke ka baka leo Bajuda ba sa kgonego go kwešiša. Ga se ya ke ya tsoge ya rutwa ka Beibeleng. Bjale, e rutwa ka kerekeng ya Katoliki, ka go felela, ke fao kolobetšo ya boraro e tšwago.

²⁷⁴ Ka Afrika ba kolobetša makga a mararo sefahlego pele: gatee bakeng sa Modimo Tate; gatee bakeng sa Modimo Morwa; gatee bakeng sa Modimo Moya wo Mokgethwa. Bjale, yeo ke phošo. Ga go dithuto tše bjalo bakeng sa yeo ka Beibeleng. Le a bona?

²⁷⁵ Gomme bjale, seo—seo ke se ba se rutilego. E tla tlase ka Luther; go tšwa go Luther, ka go Wesley; pele go theogela ka go mabaka ge e tokologela pele. Eupša ga se ya tsoge ya ba thuto ya Beibele. Ka mehla e bile phošo, ge e sa le e thoma.

²⁷⁶ Bjale, kafao, Modimo o be a le mathomong. Pele go ka ba seetša e ka ba sefe, pele go ka tsoge gwa ba athomo, pele go ka tsoge gwa ba naledi, pele go ka tsoge gwa ba e ka ba eng e bonalago, Modimo o tletše sebaka sohle. Gomme ka go Woo e be e se selo eupša go sekā: lerato la go sekā, bokgethwa bja go sekā, toko ya go sekā. E be e le Moya. O apešitše sebaka ka moka gohle go tšwa Gosafelego, goo re sa kgonego go Go fihlelela. Go ya ka mošola ga e ka ba eng re kgonago go e eleletša.

²⁷⁷ Boka go kgabola galase yela, re ka kgona go bona le—le lekgolo le metšo la milione ya mengwaga ya sebaka sa seetša. Nagana ka yona. Milione ye lekgolo ya mengwaga ya sebaka sa seetša. Gomme se—se seetša se sepele e ka ba dimaele tše sekete ka motsotsvana. Gomme lekgolo la milione ya mengwaga ya sebaka sa seetša . . . E nong go nagana e tla ba milione tše kae tša dimaele. E bile o ka se kgone go e bala. O ka kgona go no tsea mothalo wa bosenyane le go o kitimiša go dikologa Jeffersonville, gomme o sa ntše o ka se be le yona e arogantšwe ka dimaele tše dimaele. Naganang ka yona. Gomme ka godimo ga seo e sa le dinaledi le dipolanete. Gomme Modimo, pele e tee ya tšona e be e ka ba, O be a le. Le a bona?

²⁷⁸ Gomme bjale Logos yo a tšwelego go Modimo, e bego e le lo—lo Logos, dilo tšohle di thomile go bopegela ka go se—se sebopego sa mmele. Gomme sebopego se sa mmele se be se bitšwa, ka go thuto ya serutegi, Logos, Logos ye e tšwelego go Modimo. Ka mantšu a mangwe, le—le lentšu le lekaone la yona, e bile se re se bitšago theophany. (Theophany ke mmele wa motho wo o tagafaditšwego.) E sego tlwa ka nama le madi boka go tla ba ka go legato la go tagafala la wona, eupša ke wa sebopego sa mmele wa motho wo o sa jego, ga ešita le go nwa, eupša ke—ke mmele, mmele wo o re letetšego ka pejana ge re tlogela wo. Bjale, ka kua, re tsena ka go mmele woo. Gomme ke mohuta wa mmele wo Modimo a bego a le, gobane O rile, “A re direng motho ka seswantšho sa rena beng le ka go seswantšho sa rena.”

²⁷⁹ Bjale, ge motho a bile ka go mmele wola, o be a ne taolo ya dihlapi tšohle, le dinonyana tšohle, le—le dibata tša lešoka. “Gomme ka gona go be go se motho go lema mobu,” Genesi 2. O dirile monna le mosadi, eupša go be go se motho go lema mobu.

Ka gona Modimo o dirile motho go tšwa go lerole la lefase. O mo fa seatla boka sa—boka sa tšhempanse. A mo fa leoto boka la bera. A mo fa, O mo dirile, ka seswantšho. Gomme mmele wo wa lefase o ka seswantšho sa bophelo bja phoofolo, gomme o dirilwe ka mohuta wa go swana wa materiale. Mmele wa gago o dirilwe feela mohuta wa go swana wa materiale bjalo ka pere, goba mpša, goba boka e ka ba eng boka seo. O dirilwe ka khalesiamo, photaše, petroleamo, seetša sa khosmiki. O no se be . . . Nama yohle boka yeo ga se nama ya go swana; ke nama ya go fapan, eupša e dirilwe go tšwa go lerole la lefase mo e tšwago gona.

Eupša, phapano gare ga phoofolo le motho, Modimo o beile soulo ka go motho, gomme ga se A e bea ka go phoofolo. Gobane, soulo ye e bego e le ka go motho ke theophany yela.

Oo, nka—nka, nka se tsoge ka fihla go . . . thuto ye, eupša ke swanetše go hwetša se.

²⁸⁰ Lebelelang. Ga le elelwe ge Petro a be a le ka kgolegong, gomme Morongwa wa Morena o tlie gomme o butše mabati?

²⁸¹ Ke be ke eya go kgabola lebenkelekgorparara godimo mo, letšatši le lengwe, gomme lebati le bulegile pele ga ka. Ke rile, “Le a tseba, Beibele e bile le leo pele.” Le a bona? Bjale, la go šeleta, lebati, ke ka bolonamong.

²⁸² Gomme ge Petro a tšwetše ka ntle, a sepela go feta bahlapetši ba, ba be ba foufetše go yena. O fetile mohlapetši wa ka garegare, mohlapetši wa ka ntentle, ntle go ya ka lapeng, go kgabola leboto, ntle ka mokgotheng. Gomme ga go yo motee wa bona a tsebilego o be a le mang. Gomme ga se nke ba neela e ka... Ba naganne o be a le mohlapetši yo mongwe goba se sengwe. Ba... O nno feta kgauswi, gomme lebati la bulega ka bolonamong, ge a be a eya ka ntle, gomme la tswalela ka morago. Gomme ge a fihla ntle kua, o naganne o be a lora. Gomme o ile tlase ntlong ya Johane Mareka, mo ba bego ba ne kopano ya thapelo. Gomme a kokota... [Ngwanešu Branham o kokota godimo ga phuluphithi. Ga go selo godimo ga theipi—Mor.]... go ba magareng ga lena.

²⁸³ Oo, Yena ke letago. O a makatša.

Bjale, oo, o be a se a dirwa ka *go lebopo la morongwa; eupša o tšere godimo... peu ya Abraham.* Modimo o bile *peu ya Abraham.*

²⁸⁴ Bjale, ge re be re ne nako, go ya morago le go bontšha ka fao A e dirilego ka Kgweranong! Le nkwele ke rera ka yona, makga a mantši, kafao gore o tšere diphoofolo gomme a di phaphologanya, gomme a lahlela leebarope le mokurunyane ka gare. Morago o lebeletše, gomme o bone muši wo monnyane, boso bja go šiiša, lehu. Go latela, leuba la muši, hele. Eupša, mošwa seo, go ile Seetša se sennyane se ses̄weu. Gomme bošweu bjo bonnyane bjola bo ile gare ga seripa se sengwe le se sengwe sa sehlabelo sela se phaphologantšwego, go laetša se A bego a tla se dira. Gomme O tšere keno, ge A dirile seo, gomme O ngwadile Kgwerano, go bontšha se A bego a tla se dira.

²⁸⁵ Gomme Yena, Jesu Kriste, o tlie lefaseng; Modimo, *Imanuele*, “Modimo ka nameng.” Gomme mo Khalibari, O ile a phaphologanywa. Gomme Moya wa Gagwe o tlie morago godimo ga Kereke. Gomme mmele wa Gagwe o phagamišeditšwe godimo le go dula godimo ga Terone ya Modimo.

Terone ya Modimo! Yo a lego godimo ga Terone ke Moahlodi. Re tseba seo. Gabotse, Kahlolo e kae? Tate o neetše... Ga A ahlole motho. Eupša Tate o neetše kahlolo yohle go Morwa. Kafao ke Yena. Gomme Bophelo bja Gagwe ke Moprista Mogolo, o dutše kua ka mmele wa Gagwe mong, bjalo ka sehlabelo, go phophotha maipolelo a rena. Amene. Ngwanešu, seo se bea se sengwe ka go wena.

²⁸⁶ Hlokamelang, “O tšere godimo Peu ya Abraham.” O bile Motho. Modimo, a dirilwe nama magareng ga rena, go re lopolla. Ka mantšu a mangwe, Modimo o bile sebe, gore rena badiradibe re ke re be batšeakarolo ba Gagwe. Gomme ge re Mo tšeakarolo,

re tšeakarolo ya Gagwe... Re be re le batho ba sekgala sa nako, mengwaga ye masometshela le lesome. Gomme Modimo o tlie fase gomme a ba yo mongwe wa rena, masometshela le lesome, bakeng sa nako ya Gagwe ya go fiwa, gore re ke re tšeekarolo ya Bophelo bjo Bosafelego bja Gagwe. Gomme ge re tswetšwe gape, re barwa le barwedi ba Modimo, gomme re ne Bophelo bjo Bosafelego, gomme re ka se tsoge ra senyega.

Oo, a mo—a mo—a mo Mophološi wa go šegofala! Oo, ga go tsela ya go e ngwala. Ga go tsela ya go e hlaloša. E no ba ka godimo ga go hlaloša. Ga go yo a ka kgonago go hlaloša ka fao E lego ye kgolo. “O Yo mogolo gakaakang! O Yo mogolo gakaakang!” ke nnete.

Kagona ka go dilo tšohle go a mo swanela go dirwa ka go swana le baena ba Gagwe, . . . (Naganang ka seo.) . . . gore a ke a be moprista mogolo wa kgaogelo le go botega ka dilo tše di amanago le Modimo, . . . (Theetšang se.) . . . go dira dipelano . . . se sebe sa batho.

Go boelanya, bjale, Modimo, go tsebeng toka, o bile moseloke, go kwa se se bego se le go ba modiradibe, go ya morago go boelanya, ka “poelano,” le go ba le kgaogelo go batho.

²⁸⁷ Temana ya go latela, E theetšeng mo.

Gobane ka gore yena yenamong o tlaišegile . . .

²⁸⁸ Modimo o be a ka se kgone go tlaišega ka Moyeng. O ile a swanela go ba nama, go ikwela bohloko bja bolwetši, go ikwela moleko wa kganyogo, go ikwela moleko wa go hloka, go ikwela moleko wa tlala, go ikwela moleko wa maatla a lehu. Gore A ke a le tšeele godimo ga Gagwemong go ema ka Bogoneng bja Jehofa Moya wo mogolo, Moya, e sego Motho; Moya, go dira poelano go bophelo bjo. Gomme Jesu o tšere woo, gore a re direle poelano, gobane O a tseba go kwagala bjang. Ge o babja, O tseba ka fao o ikwago. Ge o lekwa, O tseba ka fao o ikwago.

²⁸⁹ Bjale, a le kile la hlokomela ge re boutela mopresidente, molemi yo mongwe le yo mongwe o tla boutela mopresidente yo e bego e le molemi, gobane o tseba karolo ye thata ya bophelo bja molemi. Le a bona? O nyaka monna tsoko yo a kwesišago.

²⁹⁰ Gomme pele Modimo a ka tsoge a kwešiša; Yena go beng Bokgethwa bjo bogolo bjola. A ka tsoge A kwešiša bjang, morago ga ge A ahlotše motho? Ka bokgethwa bja Gagwe, O ahlotše motho. Gomme tsela e nnoši A tla tsogego a tseba mokgwa wa go lokafatša ke go ba motho.

²⁹¹ Gomme Modimo o apešitše kgarebe ka moriti gomme o tšweleditše mmele, e sego madi a Mojuda, e sego madi a Montle, eupša Madi a Gagwe Mong. Madi a Modimo a hlotšwego, e sego thobalano le gatee ka gare, yona le gatee, ga go kganyogo ya thobalano. Gomme Sele ye ya Madi, e hlotšwego ka popelong ya mosadi yo, e tšweleditše Morwa. Gomme ge A be a kolobetšwa ke

Johane Mokolobetši, Johane o rile, “Ke bea bohlatse, go boneng Moya wa Modimo (boka leeba) o etla fase le go dula godimo ga Gagwe.”

²⁹² Ga go makatše Jesu a kgonne go bolela, gore, “Maatla ohle Legodimong le lefaseng a filwe ka seatleng sa Ka.” Modimo le motho ba bile Batee. Magodimo le lefase di gokarane seng, gomme O bile Yena yo a fago poelano bakeng sa sebe sa rena. Ke lebaka leo gore, Leineng la Gagwe, phodišo e a direga. O tseba bohloko bja gago.

²⁹³ A le kile la kwa ye nnyane ye, pina ya kgale?

Jesu o tseba bohloko bjo o bo kwago, O kgona
go phološa gomme O kgona go fodiša;
Iša morwalo wa gago go Morena gomme o o
tlogele fao.

Yeo ke nnete. O a tseba.

Ge mmele wa rena o tšhatšhamela ka bohloko,
gomme re sa kgone go hwetšagape go phelega
ga rena,
E no elelwa Modimo Legodimong o araba
thapelo;
Jesu o tseba bohloko bjo o ikwelago bjona, O
kgona go phološa gomme O kgona go fodiša;
E no iša morwalo wa gago go Morena gomme o
tlogele fao.

²⁹⁴ Ke sohle A se kgopelago, “E no o tlogela fao.” Gobaneng? Yena ke Moprista Mogolo o eme mo, yo a tsebago ka mo o ikwago. Gomme O tseba go go boelanya morago go mogau, le mokgwa wa go go bušetša morago go go phelega ga gago. O tseba tšohle ka yona; O tlaišegile. Ge o se ne lefelo go latša hlogo ya gago; O bile le sa go swana. Ge o ne dikobo ditee tša go fetola; O bile le sa go swana. Ge o dirwa metlae, o hlomarwa; O bile le sa go swana.

²⁹⁵ Theetšang temana ya mafelelo bjale. Go lokile.

... o kgona go hlakodiša bao ba ba lekwago.

Goba, ka mantšu a mangwe, O kgona go boloka bao, go *thuša* bao, go dira bao... go ba *kwelabohloko* le bona. Gobane, Modimo Yenamong o bile motho, gore a ikwele yona.

²⁹⁶ Le a elelwa, bošegong bjo bongwe, a ga se ra ruta ka seo? Kafao gore Modimo o ile a swanela go... Lehu le bile le lebola ka go lona, le go tšhoša ka go lona. “Matšatši ohle a bona ba be ba le ditlemong ka *lehu* le.” Gomme ka gona Jesu o tlide, gore A ke a ntšhe lebola go tšwa go lehu.

Gomme ge A be a eya go rotoga thaba, le elelwa ka fao re e swantšhitšego? Wona marothorotho a mannyane a mahubedu godimo ga jase ya Gagwe, morago ga lebakana ohle a bile lerothorotho le letee le legolo, gomme la kgaphetša Madi go Mo dikologa. Wo monnyane wa Gagwe, mmele wa go gwamalala, O

be a sa kgone go ya bokgojana e ka ba bofe, gomme O wele. Simone wa Kirene, monna wa mmala, o Mo thušitše go rwala sefapano go rotoga thaba.

Gomme ge ba Mo kokotetše sefapanong, gomme O goeleditše bakeng sa meetse. Motho e ka ba mang a tšwago madi o hloka meetse.

²⁹⁷ Le elelwa ge ke be ke rera bošegong bjo bongwe ka “Tshepe, tshepetona yela e nyoretšwe nokana ya meetse, kafao soulo ya ka e nyaka Wena, O Modimo”? Ge tshepe e gobaditšwe gomme e phela, e lahlegetšwe ke madi, e swanela go fihla go meetse goba e tla hwa.

²⁹⁸ Ke ile ka thunngwa, tlase ka tšhemong, ge ke be ke le mengwaga ye lesomenne bogolo. Gomme ke be ke robetše fale. Maoto a ka a thuthupišitše godimo ga ka, boka hambeka, go tšwa go kelo ya 12 šotekana. Gomme ke be ke goelela bakeng sa meetse, “Oo, mphe meetse!” Ke le bogatšu; dipounama tša ka di be di le bogatšu.

²⁹⁹ Mogwera wa ka o kitimetše godimo go mogobe wa kgale, o bego o ne mehuta yohle ya dikolopisane tše nnyane tša kgale, serorobja. Ga se nke ke tshwenyega se a bego a le. Gomme a e didimetša go tlala meetse, gomme ka swara molomo wa ka o ahlamile, gomme a pitlela kefa ya gagwe ka mokgwa *woo*, ka molomong wa ka. Ya, ke be ke swanetše go ba le meetse.

³⁰⁰ O be a etšwa madi. O rile, “Mphe seno.” Gomme ba Mo fa binika godimo ga sepontše, gomme A e gana, gomme o e ganne. O be a le Kwana ya Modimo e ehwa legatong la rena, go tliša poelano go batho. E be e le eng? Modimo wa Legodimo.

³⁰¹ Billy Sunday o kile a bolela, gore, “Sethokgwa se sengwe le se sengwe se be se ne Barongwa ba dutše ka go sona, ba re, ‘E no goga seatla sa Gago go tlemologa gomme o šupe monwana wa Gago, Re tla fetola seemo.’”

³⁰² Sehlopha sela sa boitshepo sa mahlanya a bodumedi, ba bitšwago baithuti tsoko ba bagolo ba go rutega ba D.D., Ph.D., ba sepeletše go Yena gomme ba rile, “Bjale, ge o le Morwa wa Modimo! O pholosítše ba bangwe; wenamong ga o kgone go iphološa. E tla fase go tloga sefapanong, gomme re tla go dumela.”

³⁰³ Ba be ba sa tsebe gore ba be ba Mo rweša seal. A ka be a kgonne go iphološa Yenamong. Eupša ge A ipholosítše Yenamong, ba bangwe A ka be a se a kgona go ba pholosha. Kafao, O ineetše Yenamong. Go šegofale Leina la Gagwe. O ineetše Yenamong, gore ke kgone go pholosha. Oo, a lerato la go se lekanywe!

³⁰⁴ O be a se a swanela go babja. Mmele wo bohlokwa wola wa go tswalwa ke kgarebe o be o se wa swanela go babja. Eupša O babjitše, gore A ke a tsebe go mphophothela ge ke be ke babja.

³⁰⁵ O be a se a swanela go kgathala, eupša O ile a kgathala. Ke badile histori ye nnyane ka yona nako ye nngwe, ga ke tsebe ge eba e be e le nnete goba aowa. “Ge A tsošitše mošemane yola wa go tšwa Naine kua, go tšwa bahung, O dutše godimo ga leswika a tsetla ka hlogo ya go opa,” gobane O be a swanetše go rwala bolwetši bja rena.

³⁰⁶ O ile a swanela go rwala sebe sa rena, gomme kua O hwile, gomme mo Khalibari ge nosi yela ya kgale le lehu e kile ya kgwaparetša lebola la yona. Mang kapa mang o a tseba, ge nosi e kgwaparetša lebola la yona, e ka se kgone go loma gape. Ge nosi e fofa e tloga goba khunkhwane e ka ba efe e lomago, ge e kgwaparetša lebola la gagwe, e gogela lebola ntle. E sa le nosi eupša ga e ne lebola. Selo se nnoši a ka kgonago go se dira ke go bobola le go dira lešata le lentši.

³⁰⁷ Ke selo se mnoši seo lehu le ka kgonago go se dira go modumedi, ke go dira lešata le lentši. Eupša, haleluya, a go šegofale Leina la Morena, O kgwapareditše lebole lela la lehu ka nameng ya Gagwe mong. Imanuele o e dirile. O tsogile gape, ka letšatši la boraro, a hlohlora lebola go tšwa kua, gomme ke Mosehwe bošegong bjo. Gomme Moya wa Gagwe o ka moagong wo, gomme O inetefatša Yenamong go phela magareng ga rena. Yoo ke Mesia wa rena. Yoo ke Mophološi wa go šegofala wa rena.



BAHEBERE, TEMA YA BOBEDI 3 NST57-0828
(Hebrews, Chapter Two ³)
SERISI YA PUKU YA BAHEBERE

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Agostose 28, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org